



17. oktober 2008

Inatsisartut Suleriaasianni §36, imm. 1 naapertorlugu Naalakkersuisunut imaattunik apeqquteqarpunga:

**1. Inatsisartut suleriaasianni § 36 imm. 1 naapertorlugu apeqquteqarninni (2008-90)nr. 3-mi apeqqutigaara;**

**”Radiop Qaqaani inissarsuit nutarterneqarlutik aallartinneqassagaluarpata, inissianik attartortut sumut allamut inissinneqassanersut siusinaarluni misissorneqareerpa?”**

**Apeqqutiga akineqanngilaq. Taamaattumik qinnuvigissavassi siuliani apeqqutigisara ersarissumik akeqqullugu. Innuttaasut inissianik attartortuusut, sumut inissinneqassappat??**

**2. Apeqqummut 4-mut aamma tunngatillugu akissutersi naammangitsutut isigaara. Apeqqutigaara Nuummi qanoq pilersaaruteqarnersusi? Qinnuvigissavassi aamma apeqqut nr. 4 (2008-90)-toq erseqqissumik akeqqullugu.**

**3. 3 Innuttaasut akissaatikinnerusut piginneqatigiilluni inissiaateqalersinnaanissaannut tunngatillugu, inissialiortitsinermi tapeeriaatsit eqqarsaatigalugit qanoq aqutissiuussinnaavisi? Takorloorneqarsinnaanngila nutarterinissamut aningaasarpasuit atortussatut inissineqarsimasut, arlaatigut aqqis-suussiffigalugit, inissianik tigusermi tapiissutitut aqqiivigineqarsinnaaneri?**

**4. Maannamut 10/40/50 atorlugu inissiat sananeqartut aningaasartaat qanoq annertutigippat?**

(Inatsisartunut ilaasortaq Olga Poulsen Berthelsen)

**Tunngavilersuut:**

Ad. 1. Tassunga akissutigineqartut naammaginangitsutut isigivakka. Allappusi inissiat nutarterneqarnerannut tunngatillugu, ajornartorsiorfiulersinnaasut piffissaalluarallartillugu

eqqumaffigineqartut. Taanna akissut naammanngilaq, erseqqissaanertaranilu siunissami nuutsitsinerni inissiat sorliit eqqarsaatigineqarnersut

Ad. 2. Maannakkut Nuuk kisiat eqqarsaatigissagaanni, inuit inissaminnut utaqquisut oqaatigineqartutuut, allaat ukiut 28-t tikillugit utaqqisariaqartarput. Nuummi inissianik isateraluni inissialiortitsinermik ingerlatsisoqaqqissappat, pingaaruteqarluinnarpoq Inatsisartut aammalumi innuttaasut ilisimassagaat, siunissaq ungasinnerusiq eqqarsaatigalugu qanoq naatsorsuutiginnissinnaanerlutik.

Inissiat katillugit 210-t sananeqarnerisigut utaqquisut allattorsimaffianut iluaqutaanissaa naatsorsuutigineqarpoq. Tamanna qanoq paasisariaqarnersiq nassuiarneqartariaqarpoq, tassami inissiat taakkua 210-t piginneqatigiilluni inissiassatut sanaajugunarmata. Taakkua 210-t akissaliinnarnit inigineqalertussaapput.

Ad.3. Piffissami kingullermi Ineqarnermut Naalackersuisoq oqaaseqarpoq, inissiat nutartigassat attartortut namminneq tigusinnaanissaannut tunngasumik. Qanoq ilillutik attartortut akissaatikinnerusut inissianik nutartigassarujussuarnik tunineqarsinnaappat, oqarfigineqaannarlutillu namminneq nutartersinnaagaat? Eqqarsaatigineqartariaqarpoq attartortut – Inissiarsuarni attartortuugunik imaluunniit inissiani ataasikkaani attartortuugunik – akissaatikillutillu, bankinut imaluunniit aningaasaateqarfinnut allanut atorniarsinnaanissaminnut periarfissaqanngimmata. Taakkua allatulli siunissaq eqqarsaatigalugu, minnerunngitsumillu meeqqatik eqqarsaatigalugit eqqanaarerusupput. Taamaattumik aamma taakkua periarfissinneqartariaqarput.

Ad. 4. Ukiut kingulliit arlalissuit ingerlanerini, nunatsinni suliffiuteqarlutik namminersortut, inuiaqatigiinniit tapiiffigineqarlutik inissialiortarput. Amerlasuut inissianik sanaartori-arlutik, inissialiarisatik inuuttaasunut akisoorujussuanngorlugit atukkiuttarpat. Ima akisutigaaq inuit akissaatikinnerusut aammalu inissaaleqisunit amerlaqisunit akilerneqarsinnaanatik. Siunertaanikuugaluarpoq inissialiornep namminersortunit annertunerusumik ingerlanneqarneratigut, inissiat nalignnaasut amerlasuut sananeqarsinnaanngornissaat. Tamanna eqqortinneqarsimanngitsoq oqaatigineqartariaqarpoq.

Inatsisartuni ilaasortatut taamaattumillu inuiaqatigiinnik sullissisutut, ilungersorlunga sulinissannut sakkussanik paasisaqarusullunga apeqquteqarama, kissaatigaara ersarissumik akineqarnissara.